



TEKS

KHUTBAH HARI

RAYA AIDILFITRI

1447H / 2026M

NEGERI PAHANG

KHUTBAH HARI RAYA AIDILFITRI 1447H / 2026M

1 SYAWAL 1447H

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ،

اللَّهُ أَكْبَرُ، اللَّهُ أَكْبَرُ، اللَّهُ أَكْبَرُ وَلِلَّهِ الْحَمْدُ،

الْحَمْدُ لِلَّهِ نَحْمَدُهُ وَنَسْتَعِينُهُ وَنَسْتَغْفِرُهُ. وَنَعُوذُ بِاللَّهِ مِنْ شُرُورِ أَنْفُسِنَا وَمِنْ

سَيِّئَاتِ أَعْمَالِنَا. مَنْ يَهْدِهِ اللَّهُ فَلَا مُضِلَّ لَهُ وَمَنْ يُضِلِّ اللَّهُ فَلَا هَادِيَ لَهُ .

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ سَيِّدَنَا مُحَمَّدًا عَبْدُهُ

وَرَسُولُهُ.

اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ.

أَمَّا بَعْدُ،

فَيَا عِبَادَ اللَّهِ، اتَّقُوا اللَّهَ وَأُوصِيكُمْ وَإِيَّايَ بِتَقْوَى اللَّهِ، فَقَدْ فَازَ الْمُتَّقُونَ.

Marilah kita bersama-sama bertakwa kepada Allah ﷻ dengan melaksanakan segala perintah-Nya dan meninggalkan segala larangan-Nya. Mudah-mudahan kita akan mendapat reda Allah di dunia dan akhirat.

اللَّهُ أَكْبَرُ اللَّهُ أَكْبَرُ اللَّهُ أَكْبَرُ اللَّهُ أَكْبَرُ وَلِلَّهِ الْحَمْدُ

Muslimin dan Muslimat yang dirahmati Allah

Hari ini umat Islam menyambut Aidilfitri dengan penuh kegembiraan dan kesyukuran kepada Allah ﷻ setelah melalui Ramadan yang penuh keberkatan. Aidilfitri bukan sekadar kegembiraan zahir atau menikmati hidangan, tetapi ia adalah hari penyucian jiwa, kembalinya manusia kepada fitrah dan kemenangan rohani selepas dididik dalam madrasah Ramadan. Firman Allah ﷻ dalam surah al-A'la ayat 14 dan 15:

أَعُوذُ بِاللَّهِ مِنَ الشَّيْطَانِ الرَّجِيمِ

قَدْ أَفْلَحَ مَنْ تَزَكَّى وَذَكَرَ اسْمَ رَبِّهِ فَصَلَّى

Yang bermaksud: “Sesungguhnya berjayalah orang yang menyucikan diri (jiwanya), dan dia mengingati nama Tuhannya, lalu dia mendirikan solat.”

اللَّهُ أَكْبَرُ اللَّهُ أَكْبَرُ اللَّهُ أَكْبَرُ اللَّهُ أَكْبَرُ وَلِلَّهِ الْحَمْدُ

Sidang jemaah sekalian

Antara roh terbesar Aidilfitri ialah kemenangan hati yang bersatu dan ukhwah yang diperkukuh. Islam hadir bukan untuk memecahkan saf, tetapi menyatukan umat; bukan menyalakan permusuhan, tetapi memadamkan kebencian; serta membina kasih sayang berasaskan iman. Maka Allah ﷻ menyeru kita melalui firman-Nya dalam surah Ali ‘Imran ayat 103:

وَأَعْتَصِمُوا بِحَبْلِ اللَّهِ جَمِيعًا وَلَا تَفَرَّقُوا

Yang bermaksud: *“Dan berpegang teguhlah kamu semua kepada tali Allah, dan janganlah kamu berpecah-belah.”*

Rasulullah ﷺ bersabda dalam hadis riwayat Imam al-Bukhari,

أَبْغَضُ الرِّجَالِ إِلَى اللَّهِ الْأَلَدُّ الْخَصِمُ

Yang bermaksud: *“Manusia yang paling dibenci Allah adalah yang keras kepala dan suka bermusuhan.”*

Aidilfitri bukan sekadar hari bergembira, tetapi hari membersihkan hati. Ia hadir untuk memadamkan dendam dan meleraikan permusuhan yang tersimpan lama. Dendam adalah penyakit hati yang halus tetapi berbisa, memutuskan silaturahmi dan menutup pintu rahmat. Maka Allah ﷻ memuji hamba-hamba-Nya yang menahan marah dan memilih kemaafan, sebagaimana firman-Nya dalam surah Ali ‘Imran ayat 134:

وَالْكَاطِمِينَ الْغَيْظَ وَالْعَافِينَ عَنِ النَّاسِ ۗ وَاللَّهُ يُحِبُّ الْمُحْسِنِينَ

Yang bermaksud: “Dan orang yang menahan marah serta memaafkan manusia; dan Allah mencintai orang yang berbuat kebaikan.”

Imam al-Ghazali pernah berpesan:

الْحَقْدُ لَا يُؤْذِي الْعَدُوَّ بَلْ يُحْرِقُ الْقَلْبَ

Yang bermaksud: “Dendam tidak akan menyakiti orang yang engkau benci, tetapi ia akan membakar hatimu sendiri.”

اللَّهُ أَكْبَرُ اللَّهُ أَكْبَرُ اللَّهُ أَكْبَرُ اللَّهُ أَكْبَرُ وَلِلَّهِ الْحَمْدُ

Sidang jemaah yang dirahmati Allah Taala

Aidilfitri adalah hari menghidupkan budaya bermaaf-maafan yang lahir daripada hati yang ikhlas, bukan sekadar ungkapan di bibir. Rasulullah ﷺ adalah teladan tertinggi dalam sifat pemaaf. Pada hari pembukaan Kota Mekah, ketika Baginda berkuasa penuh, Baginda tidak membalas kezaliman, bahkan memilih kemaafan dengan kata-kata:

اذهبوا فأنتم الطلقاء

Yang bermaksud: “Pergilah kamu semua, kamu adalah orang yang dibebaskan.”

Inilah kemuncak akhlak Islam iaitu memaafkan ketika kita mampu membalas. Ibn al-Qayyim berkata:

الْعَفْوُ صَدَقَةُ النَّفْسِ وَهُوَ أَعْلَى أَنْوَاعِ الصَّدَقَاتِ

Yang bermaksud: “Memaafkan adalah sedekah jiwa dan ia adalah sedekah yang paling tinggi nilainya.”

Memberi maaf kepada seseorang tidak akan mengurangi kehormatan atau merendahkan darjat kita. Bahkan, kemaafan adalah tanda kebesaran jiwa dan iman. Sikap pemaaf inilah yang akan mengangkat martabat dan kedudukan seseorang di sisi Allah. Justeru, Rasulullah ﷺ menegaskan perkara ini melalui sabdanya dalam hadis yang diriwayatkan oleh Imam Muslim:

وَمَا زَادَ اللَّهُ عَبْدًا بِعَفْوٍ إِلَّا عِزًّا

Yang bermaksud: “Dan Allah tidak menambah kepada seorang hamba yang pemaaf kecuali kemuliaan.”

اللَّهُ أَكْبَرُ اللَّهُ أَكْبَرُ اللَّهُ أَكْبَرُ اللَّهُ أَكْبَرُ وَلِلَّهِ الْحَمْدُ

Sidang jemaah yang dimuliakan,

Kesimpulan yang boleh kita ambil daripada khutbah pada hari ini,

Pertama, marilah kita menyambut Aidilfitri ini dengan penuh kegembiraan dan kesyukuran sebagai tanda ketaatan dan penghambaan kita kepada Allah ﷻ.

Kedua, hiasi hari kemenangan ini dengan amalan mulia seperti ziarah, bermaaf-maafan dan memperkukuh silaturahim serta ukhwah Islamiah.

Ketiga, janganlah kita mencemari kesucian hari raya ini dengan lewat-lewatkan solat, mendedahkan aurat, pergaulan yang bebas serta perbuatan atau hiburan yang bercanggah dengan syariat.

Marilah kita menadah tangan memohon kepada Allah ﷻ agar dikurniakan usaha dan kekuatan untuk terus istiqamah menunaikan solat secara berjemaah, berqiamullail, bersedekah, berpuasa sunat dan lain-lain walaupun Ramadan telah meninggalkan kita. Teruskan berdoa semoga bertemu kembali dengan Ramadan pada tahun yang akan datang.

أَعُوذُ بِاللَّهِ مِنَ الشَّيْطَانِ الرَّجِيمِ

مَنْ جَاءَ بِالْحَسَنَةِ فَلَهُ عَشْرُ أََمْثَالِهَا وَمَنْ جَاءَ بِالسَّيِّئَةِ فَلَا يُجْزَىٰ

إِلَّا أَمْثَلَهَا وَهُمْ لَا يُظْلَمُونَ

بَارَكَ اللَّهُ لِي وَلَكُمْ فِي الْقُرْآنِ الْعَظِيمِ، وَنَفَعَنِي وَإِيَّاكُمْ بِمَا فِيهِ مِنَ
الْآيَاتِ وَالذِّكْرِ الْحَكِيمِ، وَتَقَبَّلْ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ
الْعَلِيمُ. أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي وَلَكُمْ، وَلِسَائِرِ
الْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ فَاسْتَغْفِرُوهُ إِنَّهُ هُوَ
الْغَفُورُ الرَّحِيمُ.

اللَّهُ أَكْبَرُ اللَّهُ أَكْبَرُ اللَّهُ أَكْبَرُ اللَّهُ وَلِلَّهِ الْحَمْدُ.